

復  
初  
齋  
詩  
集

復初齋詩集卷六十九

大興 翁方綱 正三

石畫軒艸十二

丁丑正月  
至六月

米題藥洲石歌寄趙遂樓

雙門銅漏仙湖遶玉虹夜夜森垣矚光動訶林三佛號  
米家月貫珠江船我借竹間聽秋雨廿五字掬漚波圓  
書名初從兩已背晉法欲過熙豐前寶章待訪季春始  
那必傳合洽涯年方字若記久闕泐蔡天啟志猶疑焉  
易堂之書亦失考洽涯臨桂孰後先寶藏系銜書博士  
石丈特借留題傳米書正楷世所少鶴銘偶共芝與宣  
東林嶽麓北海擬獨此腕力兼雄妍雲壑北固所未到

淨名異氣橫江天升卿名附蔣題得

張升卿公謝又見拜石翁詩頴叔元

祐二詩絕趙跋觀詩篇

又仙掌石上嘉熙己亥清波趙時容題內亦云觀米南宮詩刻

藥洲九曜此其一仙掌半翳榕根纏記倚蓮漪度面勢

十夫昇致語老錢

半

日銷月鏤煙雨曷若覆護苔花

輒蔣子憐余渴信誓趙侯惠爲新簷椽海嶽庵基滃雲

起硯峯六六青迴旋武陵花源重叩檝鼎帖又來結墨

緣

遂樓武陵人故以鼎帖真本奉寄

五十年前宿夢踐快觀大厦深廊

筵亭成我當書壁記少霞銘果良常鐫

蘭卿借蘇齋笠屐像并偃松屏贊卷集同人作

坡公生日求賦詩

憐余老病難扶拜果爾開筵筍脯加欲借元詩添白集

故教松翠接鄰家  
顧髯笑示金針度  
笠屐來憑玉畫叉  
試卜蘇門風格近  
瓦盆消息候梅花

芭鄰同日作坡公生日求賦

蘇齋室邇訂心期  
臘雪前盟幾箇知  
憑仗芭蘭香辦合

續編畢阮艸堂詩  
海天笠屐寥空外  
酣放精微秘印時

水竹西陂麓臺卷  
讓君勝踐兩兼之

昔嘗約梧門編輯  
從來作坡公生日

詩自宋漫堂綿津山館及子蘇齋并單秋帆終南  
艸堂阮芸臺杭州蘇祠諸什也宋卷王麓臺畫

王煙客山水

康熙己酉秋仿子  
久爲其年詞宗

婁東畫派論大癡  
金剛杵現麻石獅  
誰知一門透宗旨

祖印早已兼雄奇

國初四王噪藝苑  
董華亭後繼者誰  
司農雖推吳墨井

但取骨格超等夷南北宗到石谷合官奴付受先叅之  
重巒疊翠大開合萬象吞吐圓牟尼中峯提筆裴挈領  
濃綠衆皴川分支仍用富春大嶺意北苑皴法何常師  
暮年俊拔乃造極元精耿耿神護持却顧迦陵共命語  
彈指笑却千熊羆自有鯨魚碧海掣肯以翡翠蘭苕歧  
玉衡賦遲十載後填詞圖未點筆時故邀詞家共品鑒  
使我借畫深論詩楊風書亦嗣顏柳玉臺詠漫風流遺  
金門寺壁客弔古坡老且勿西崐嗤

高麗李六橋以寶翁名齋復以天際烏雲四字  
自題齋扁書來求摹此帖寄荅三首

萬里邀青眼嵩陽夢海東知君齋壁意笑我蔡蘇同墨

妙孫莘老緘題玉局翁君謨小閣帖夜夜貫晴虹

金君寶覃扁君復寶翁名慚愧英光笈低回海岳情烏

雲紅日影含雨照山明石硯屏相對憑誰畫得成

每屬畫家

寫此句意

昨酬梁李集筵接雪梅看春日添詩話松屏共歲寒西

陂青結篆大海紫迴瀾阮籍蘇門嘯聲來應鳳鸞

嘗欲輯宋

漫堂以來作坡公生日集諸什爲一編故并寄阮芸臺知近日蒞隣蘭卿續舉此集也

### 重題文信國琴詩後

山深雨響日瀟瀟萬古琴絃苔沘寥浩氣猶然塞天地  
非關騷些怨難消

### 李松甫七十壽

桂林勝事豫章傳松比精神鶴比年歲月優閒成福地  
煙雲供養浴丹田萬籟篋擁跏趺坐三品兒來綵舞筵  
老杜詩名老彭壽詞場合頌李臨川

友人以靜海勵文恭自書詩卷來屬爲書重譙  
拙詩因題其後二首

自壽偏因和荅傳門生門下墨論緣似憑北地遺山句  
偶借南湖雪景篇四律錫山同志最七言崑圃憶詩筵  
意園上已留觴詠舊篋添來襖社編此廬南湖先生雍  
正戊申年六十一和  
荅鄒泰和視暇之作泰和爲小山宗伯師之兄弟皆  
出南湖之門今以南湖手蹟附襄於尊甫澹園先生意  
園修襖  
詩艸後

四世詞垣積累深米家書派事誰任重榮宴忝師門接

萬卷樓陪侍坐箴黃勵兩家交竹素中轅一脈託苔岑  
硯齋石記孫莘老淡墨秋山夢手臨鳳氏世仿米書入  
少也吾鄉黃崑圃先生受詩法於漁洋方綱得因先大  
夫執經於門繼問餘論與黃如家也十餘年前黃氏  
萬卷樓尚存孫退谷硯山  
齋帖石今不知歸誰氏矣

岱頂殘字石二片是蔣伯生大令手剔得之而  
王芷堂郡伯拓寄者朱堃雲爲作圖以寄之屬  
題二詩

堃雲夢到天門上惟見金泥起白雲寄與笑吞丹篆者  
孟韓而外幾人聞

我憶曹南片石青金絲墨響叩遺經煩君併畫移碑卷  
五色雲霞護廡庭予因蒲君往山東致書陳中丞  
移城武廟堂碑於曲阜孔廟



題堊雲移碑圖兼寄陳笠帆中丞二首

眞見瓊苞席裹時虞家勝伯幾曾知  
大中祭酒應相許不是重摹第二碑

爲誰補證相王銜

城武刻誤以相王下加臣字

畫裏覃溪共笠帆增

入藝林金石錄堊雲妙墨助開函

芭鄰取子詩句作燈窗梧竹圖

笑我論詩處焉有景可補蘇齋客膝地  
虛几冷牖戶而與二三子縱談馳萬古  
浩蕩極詞源問涉津與渚大海莽迴瀾  
收之密絲縷上求雅頌師芻菟傳箋詁  
漢晉唐以來法必衷諸杜玉瑩變丹青  
咀吮閱甘苦發的聽弦聲按節豈名譜  
精微其如何圓神印方矩是有君形者

蒸菌皆尺乘謝馮二圖後悵結以延佇松風響石鉞瓷

甌起花乳聞水犀香平蒲簾溼春雨

昔與謝蘊山馮魚山論詩蘊山作對

牀聽雨圖魚山亦擬圖而未就也

### 又題二首

葉宋相期繼謝馮左司沈趙句誰同

韋左司示全對牀真元常之作

聽雨彭城夢託寫蘇門學士風

寫意何難得味難工夫不在楮毫端瓣香果許叅丹篆

信誓苔岑問荳蘭

阮芸臺將之湖廣總督任宿拈花寺覺性衲子

來索詩題其壁兼寄芸臺

阮公持節茜雲開猶帶僧寮雪意來半夜跣趺叅唄頌

隔年殿齒濕莓苔壁留江渚雷塘夢詩借蘇齋鶴笛催  
他日衡湘圖畫裏芋爐記共懶殘煨

錢梅谿癸酉春卜居常熟翁家莊卽吾家鐵庵  
公故里也今來求詩二首

錫山卜築到虞山紅豆春濃拂水灣三載遙懷來寄訊  
半生靜閱得蕭閒畫從烏臼巾箱補書倍遵王目錄刪  
新起錢家金石例縵深汲古許誰攀

吾家司寇舊山莊手澤璇洲記草堂四世孫曾交有諾  
鐵庵公孫企祖曾孫建堂音問踈闊二三十年矣廿年書問夢難忘因君託訪

鄉園近似我追陪几硯旁重結梅花盃主榻更添金鼎  
富琳琅

書周鞠人詩卷三首

襟懷欲向白蘇論肯涉公安半點塵萬卷菁華收攝得  
無言方許淡傳神

淡無言處畫無聲臭味深於古性情未必蓮洋河苦篆  
王官果踐玉溪盟

意深梅鶴孤山雪手把漁竿笠澤雲更叩精微酣放義  
相期橫筆掃千軍

適以南里和靖二集求題

鞠人除夕獨遊拈花寺屬墊雲作圖屬題

吾舊尋詩處邇來屢題壁衲子叅梵唄墊雲寫泉石周  
子意翛然尚恐未幽僻畫作獨往人於此歲除夕先過  
覃溪齋快賞坡詩蹟虛襟古墨貯縱目禪扉闢樓下柳

未黃塔指峯遠碧詩到淡無言昏煙晚寥闌仍對覃溪

詩相謀阮公嚴

昨寺僧乞予記芸臺宿此作詩

雪檻空濛思鐘杵踟躕

息夢迴江南春近卽城東陌凭窻來萬古開徑佇三益

方忠文公自書憶釣舟詩

洪武丙子二月

嶺南人家破牆出何啻遺經響琴瑟千秋木末亭上雲

長護先生此奇筆我昔追摹溪喻篇道心活潑機洋溢

矧此釣舟大行艸浩氣陰陽來雪帥一縷元精照天地

萬丈虹光走虛室何人壁藏秘至今四百年餘未磨失

不忍輕同翰札論惟有遺聞畧堪述華亭昔記公祠廡

裔孫復姓名還佚徐公斷臂脫娠身

浙江僉事徐公安善奉委收方氏族

脫其娠婦事

別寄民家匿蹤跡浦江記載到松江亢宗

發斷一臂

之慶傳聞密及今快說孤忠報尚憾華亭未殫悉煙煤  
寸尺配河岳側愴蒿蕪薦芬苾斯文一踐儻在茲耿耿  
日星以爲質

送譚子受之敘州同知任二首

家訓卽箴銘江源補水經

以尊甫遺集并所著  
四川水道記見貽

川涂憑

叱馭詩義記趨庭繾綣蘇齋語商量杜法聽琴心絃指

外響合蜀山青

偶與論杜詩  
數篇頗神契

廿載關津話同岑復幾人

昔與尊公同  
蹕時事

盡收書劍氣澹

對性情真雨濕簷花夕雪開驛柳春世家忠孝託繼起  
作名臣

樂毅論海字本

宋人最重海字本缺角石想唐時鏤高紳學士役車得  
秋空砧響聞清圓緘之文木束以鐵趙郎官遞徐郎傳  
淳熙之中順伯錄石膚已漸蘊昏煙夢溪姑溪所稱述  
妙絕品孰歐梅先石熙明家趙州石取影尚及宣政前  
馮承素輩蹟已邈元祐祕閣文猶全全者梁樞緬支系  
押尾名識異與權豈知重開派別出廿九行又紛鉤填  
牧民信既改其半宋末重刻本牧民明信  
明字右月內作二點莒卽墨僅留  
一編縱二城  
二作一停雲館偶末行脫叩以海字仍茫然王青  
羊本章藻勒陸醫士並何髡詮魚尾波說永興擬疎瘦  
字骨工難宣精華誰云近銷乏壓吳廷笈層萬千何況  
鴻堂雪堂刻褚衡杜撰嗟可憐豈惟那董揚不棄洛神

尚勝藏荆川上追官奴付受緒肯逐圓熟爭流涎頰上  
誰教竊典故秣陵亦說得非邊

周越法書苑與  
姑溪集說異

郭天錫書圖畫見聞志

郭天錫寫郭若虛是乃郭象注莊歟上稽繪象追有虞  
考工布采爾疋圖下援唐宋意匠殊山水竹石逮禽魚  
變幻仙佛神變魑城郭器物橋亭廬丹黃黝綠粉墨鋪  
以次鑒賞兼藏儲作者情態如可呼北山詩客家丹徒  
了公竹院窻影疎米顛虹舫招倪迂蘭亭卷又快雪摹  
捲盡象罔牟尼珠百家相遇于古初一卷借鈔史與俞  
甘泉坊憶僦宅居何如日臨松雪書

張貞居自書詩艸二首



詩成肯付小胥鈔手撻巖雲護菌巢試借吹笙通鶴夢  
壇碑舊館問三茅

已字山銘蔡少霞神廬內景養黃芽拈毫卻下虞公拜  
丹篆符書更幾家

詠瓶中芍藥

西郊畫壁旗亭句又到山陰裴几邊水汎玉盂香乍滿  
翠圍金帶夢初圓堦翻宿雨仍春信欄倚新晴暝午煙  
誰記豐臺帘舍影濛濛卻借膽瓶傳

趙希遠山水二首

何年若霽雨溪上淡寫香光居士圖爲訪異書披洞府  
能傳逸思到江湖

杜老柴門泛月時  
兩人共野航  
詩閒雲扣櫂  
相招意宿約  
尋山幾箇知

周忠介手蹟二首

附同時諸人札

俊顧厨兼黨籍論  
誰如瑤禍弔湘魂  
編餘故紙淋漓氣  
多少江湖血淚痕  
賸來詩話付江東  
文舅姚甥尺幅中  
松癭閒庭門客語  
只應夜月照秋空

黃石齋暨蔡夫人手蹟合冊二首

大滌蓬萊寫洞璣  
誰從象正叩精微  
撇波圓曲奎躔影  
電掣虹流認又非

深閨不二偈禪叅  
合什焚香共一函  
墨妙正同觀象繫

何須更仿衛和南

王元章墨梅

此卽元章艸書法紫氣干將光出匣瘦蛟臥脊勢盤空  
冷逼溪雲吐山脇會稽王家艸破正空濛煙雨傳江峽  
洗硯池頭花乳石篆意橫斜寓穿插向來未共薌房論  
友石齋來仿行押松風亭下夢羅浮翠羽干峯動鱗甲

野雲爲雲谷畫扇

數峯煙外隔斜曛遠翠濛濛淡不分只有梅花開半樹  
硯池冷結一溪雲

劉完庵天池圖卷

長洲劉珏爲茶鄉先生畫贈  
慧上人有法治丁巳吳龍庵

記并詩又陸宗勉文  
宗儒沈石田諸詩

天池石壁非樵型直造大癡之戶廷吳茶鄉爲慧老贈  
完庵筆力馳滄溟宏治丁巳季春半四五客共復輿停  
吏部東廂寫書手禪宇偈記憑窓櫺温州太守未之郡  
茶香居士甫壯齡絕庵姓奕字嗣葉號茶香居士是日霑衣冒山雨油  
傘十里來支硎逕尋玉枕秘笈處上有千葉蓮萼青懸  
崖峭絕不可上意到雲外團茅亭盎盎平杯下霄漢削  
起當面橫翠屏天平俯揖萬筍笏東西控帶兩洞庭石  
林蟠根連地肺飛閣靜轉風輪鈴老僧不爲迂遊客巖  
開自誦止觀經借畫畱山當說法淋漓墨濕通眞靈袍  
翁一家接蘇學季孟尚欠山卿銘茶香無詩軸來三百廿載  
後何啻賡和陪短舫展向蘇齋硯屏側巾箱五岳來眞

形李少翁乞縮地術偷桃兒儻法語聽卷還琴几作唱  
答松風石礪泉泠泠

馬遠畫

無款無印前題云小麥青青大麥黃新  
鷺乳鴨滿池塘斷橋曲港深深處蚤有

人家煮鰾香外籤宋高宗題馬遠斷橋流水圖  
此畫實是宋人筆謂馬遠亦可然謂高宗題則  
也非也

荒畦幾稜

去聲

寒雲外曲折谿流擁蒲稗人家蟹舍煙雨

間煮繭梯桑蠶子曬鳧雛踏亂谿水聲灣轉斜陽極山

背畫史當時不署名江鄉節物候陰晴畫院偶同工執

藝禮圖儻借鶴催畊馬侍郎作幽俗卷又添去日秋陰

爭

送張南山還粵東兼寄黃香石

惠寫蘇齋壁遙題嶺海樓緘懷香石子書到穗城秋北  
上重袪執南園一氣酬儻因蘇問杜不負藥名洲

送黃仲實歸都昌兼寄吳鳳白

絃歌言子室因得識澹臺古邑千秋感東陽八詠才一  
經陳篋叩兩世戴編開欲問虞公蹟重鐫別石苔

村牧圖

磻曲空涼得晚晴斜陽屋背遠山橫水風半捲脊來雨  
送到前溪牧笛聲

呂翔仿黃鶴山樵松溪高士

松溪高士爾何人然否香光自寫真收取淋漓苔石氣  
正從未潑墨時論

國學蘭亭後歌

手追此帖五十春摩挲鏡檻歲在辛日量石鼓叩篆法  
此帖孰自尋源津或云周臨或云趙或疑薛刻徒紛綸  
泐餘畫剩細絲髮欲問筆蹤難見真時爲胃矜講筆正  
但懲纖媚傷渾淪今見四百年前拓初非僅以纖媚論  
舊聞姜跋落水本彝齋八字盟未申山陰龍跳虎臥勢  
蘭渚鳥語花開辰肯以後來石刻例俗工漫許能傳神  
鼎山三點旣茫昧歆正之秘誰與陳周伯溫那丹篆夢  
趙松雪漫工效龔薛家親見中山刻晚柯詎等枕析薪  
恐出宋後坊賈輩聊試板樣登貞珉薛家重刻竟安往  
游相百兩空結鄰東陽上黨石尙在或可與此同稱珍

若居穎井別派上質厚尚足驚凡民終然定武支裔系  
屢不爲蕢奚斷斷笑憑吾家小孫女寒窗披豁林吉人  
吾孫女日臨林吉人跋者卽此肥本

史忠正贈戴鍊師歌墨蹟

碧血丹心在刀圭大藥傳星辰來翰墨忠孝卽神仙蓬  
島非煙霧邗江肅豆籩此歌留正氣萬古鏡長懸

羅兩峯仿松雪元章作二色梅爲周鞠人題二  
首

縞衣綽約春來瘦風節嚴凝雪後寒須識澹濃非二筆  
會稽句並雪溪看

兩峯歲歲蘇齋壁墨點煙橫臘雪殘君到吳淞傳此意



對花眞作故人看

玉亭求題扁曰白齋

阮翁句說嵇翁並

昔徐東凝號嵇庵王漁洋詩有嵇阮之句

何似蘇齋寫白

齋舊雨一燈圓宿夢新詩萬里寄同儕香山風味馳緘  
答洱海雲嵐對榻懷信誓東吳顧文學聽鐘禪偈共茅  
柴

贈顧南雅

南雅今詩伯因懷葉宋吳矢音爭賸理箭括妙錙銖  
昔商量意精微匠契無近聞琴鳴子扁室亦名蘇  
屠孟昭君

之詩  
弟子

今科新進士來謁吳鑑庵子其濬一甲第一人

吳穀人子清鵬一甲第三人賦贈二詩兼呈儷

笙閣老秋農侍郎

斑管去年題祭酒

去年寄懷穀人用漁洋斑管題詩吳祭酒之句

今晨青眼悟

嵩陽緘函正味篇應續

項穀人以所著有正味齋詩集見寄

文獻中州話

更長詩禮一門添世學山川合氣借鍾祥卜鄰蔣徑淵

源近喬梓成陰記玉堂

前科蔣丹林子一甲第一人

趨庭綵筆讌交歡

聖主恩深正拜官

鑑庵蒙恩賜秩

槐砌金花承胄監

一甲三人於國子監

釋褐簪花也穀人時官祭酒

蘭階玉樹接宮端

鑑庵長子美存時由詹事擢開學

文

章矢報憑初素忠孝培根勵寸丹慚愧老夫昏病眼雲

霄揩拭硯池看

烏程王氏寶鼎精舍古甄文冊

朱老昔題寶鼎甄對起雙螭凸甄面朱題以考孫吳事  
陶旄工兼績工捫寶鼎年卽西晉初漢晉之交篆初變  
此甄名重此精舍吳晉良工埴成卷朱老徒執螭文疑  
斷斷竊隧區堂殿五鳳魯刻石非甄曲阜廡庭朱未見  
近乃阮藏甄五鳳竹房吾衍銘爲硯阮制軍與張孝廉  
各以八甄目精選天冊甄留黃掌痕亭長甄餘畫形眇  
此皆妙出雕鏤巧建武邯君宅奚羨元康甄側細鱗活  
芭堂贈我光迴旋芭堂雪廬諸著錄日別苔花珍鼎甌  
我補晉紀元康年何用西京古徒綯此內元康元年一  
也晉書於惠帝紀庚庚橫理拊埴起反寫誰摹官鑿倩  
失書元康年號

意到山陰保母前飛墮吉祥雲一片

朱子名印敬題

葉生篋奉公手牘使我瞻拜公名印牙鏤二字螭紐文  
氣作日星河嶽鎮士皆誦讀孔孟書甫由章句針車認  
逮深考辨摛才藻嗜博搜音競効訊漸馳異說忘本根  
掘未及泉空井軋敬之敬之方寸間得門始識宮牆峻  
從來文集詩冊端不敢書名昭敬慎卽看兩字篆文紅  
收盡六藝經腴潤雲臺雲谷手題處咫尺廡庭端笏摺  
夫子自號雲臺真葉生不敢名號題葉號雲谷函開拱揖賓  
逸又號雲谷老人朋進儼承灑掃俎豆効警欬尚想鏗聲振寶之勿作宋  
篆論萬古津源此傳信

蘭卿裝予重讌詩冊屬題

定許蘭卿接礪堂遙追崑圃說漁洋藝林他日傳詩話  
始信蘇齋氣味長

昨蔣礪堂裝此屬題予以將來得預重讌期之也

文衡山山水卷二首

細沈龕文並壯年我因寤想褚書妍同州雁塔爭摹石  
可及西堂著錄前

淡墨蕭然艸閣扁江灣氣合衆山青兒孫世積延長澤  
此是文家相畫經

乾隆己卯予初奉使於定遠驛館夢硯池有光  
作一台式醒而異之後爲謝蘊山題蘇潭扁辛  
巳謝蘊山入翰林擬以此賦贈而未果也其後

按試廣信於上饒南巖得古篆應谷二字因有  
文字之祥致斯應蘇門響答謝子潭之句蓋以  
坡谷詩盟踐蘇齋之契合也今又三十年而上  
饒周湘臯入翰林賦此致賀兼呈僊笙

上饒應谷謝蘇潭谷應蘇門續筆談經術幾人憑澈鑑  
詩盟今日笑開函三千里外初占夢十九科來接盍簪  
辛巳至今丁丑凡十九科蘇齋  
所得士改庶常者凡三十人合入冰壺台鼎照不虛  
驛壁記江南僊笙今科  
主會試

題同年梁山舟重讌詩冊

恭逢重讌懷梁顥每過斜街感鄭虔前輩黃嵇皆有作  
新詩姚趙竟無傳記麻虎楷同臨習惜鐵幢兄未並筵

文水馳緘曾寄語江頭尊宿望如仙

山舟與令弟鐵幢二兄皆吾丁卯同

年又同年文水鄭東侯與山舟對門寓楊梅竹斜街子每過二君齋同臨習麻虎繡譯楷法麻虎園書名手也東侯亦庚午重譙鹿鳴而癸酉姚姬川趙雲松重譙之作屢訪之至今未見前年寄鄭東侯詩有江頭遙望雙尊宿之句謂山舟與其夫人皆年踰九十也

以詩催石士訪拓停雲樂毅帖二首

元祐高紳本停雲共墨池文家章氏脈今日幾人知甲

乙編書課丁寧告塾師馮摹偽褚者踵謬到何時

世所習者

快雪偽本耳不知樂毅論真石惟全文在文氏停雲帖此元祐本也不全者在章氏墨池帖此高紳本也二家刻此亦不知所自來愚始辨之

章刻已重翻文家石尙存錢劉傳最久蕭阮道彌尊晉

法憑津源梁撫見本原竟須裝萬本藝圃冀深論

此文石

氏歸常熟錢氏  
又歸武進劉氏

次韻荅儷笙閣老兼呈吳泉閣學暨新庶常諸君

老馬筋力衰敢自矜識路但羨鸞鳳羽翹集朝陽樹卷  
阿盛中天羣材慶知遇台鼎氷玉鑑寶珠珊網慕川嶽  
聚精英日月瀛壺駐分光到蓬戶答拜慚蹇步叨承採  
芻言諏禮戒遲暮歸昌揚其音攬輝輝下顧仄思寡陋  
席何以副簪履煌煌東壁府馳驟非虛赴藝林深根抵  
詞場函雅故古者士相贅忠信爲託付實學卽官箴博  
綜匪旁驚經術日耘勑雕華漫月露玉河館舍開堂阼  
春風煦紅瓊讓右階詞館尚右西臺尚左譽髦班疏附絳帷來和



篇黃閣先得句補題歌器圖

庶常館後堂有舊畫歌器圖王申入館時與錢藻石

同賦詩後十二年子教習庶吉士又題之

延暉商雲護

延暉僊笙書室名

增入翰苑

書永荷鴻鈞鑄所以行序推儀吉占鵬鷺

蘭卿屬友寫去年崇效寺看花圖屬題

丁香花事叩僧廬白紙坊南約並車卷識禪人拈笑處

智朴紅杏

話憑詩客手栽初

寺僧言丁香西廊雨過春

陰淡古木茶煙午影踈趙宋孫來圖軸否靜觀誰記孟

津書

順治丁亥端陽後王鐸書靜觀二字扁

趙韞退宋王叔孫牧先三君子同來

王覺斯山水軸

自題云閱大內畫七萬六千軸惜無好絹擬其尤者

張芋邨推孟津書書家不羨董思白今觀此畫傲倪迂

奇創相矜戴道默自言閱盡七萬軸浩浩天機來筆力

不得好絹試摹臨捲軸吮毫三歎息此題細楷不著年  
琅華館帖空鏤石孟津楷以古見奇此猶於古非臻極  
然其閱盡在晚年正與道默接几席蕉林北海亦並時  
硯山琅華對秋碧兩日商量心得語下上原委馳高格  
若皆古楷記錄之使我見兩真顏色淋漓巨嶂元氣收  
咫尺蒸空翠來滴畫禪禪偈竟如何此意溟濛傳不得

海寧陳文簡八十自壽詩冊次儷笙韻四首

賜第師筵記壽觥乾齋句繼丙齋賡低回老輩傳家語  
每伏青蒲念父兄未七字文勤師告歸時留別句也乾齋閣老丙齋少司寇皆文勤伯叔輩  
不署銜名印杖朝杖朝伴食四字印委蛇退食想丰標依依

禁直丹心在敢違谿山勝侶招

辛亥八十後二年予告歸

街西舊話補香光禊帖三行叩海昌夢借太邱星聚影  
裴樹削竊會稽王海寧陳氏華亭董氏烟家也董文敏  
留其盛至盛三行陳氏刻帖遂闕此三行昔聞查映山  
賦此三行於簾屢叩借看於映山之子云失去矣至今  
於懷

屈指延暉慶八旬曹倉凋登紀

恩綸彌望句踐瓊林讌俱是蘇齋著錄人昨蔣彌堂以  
卷屬題子有詩期望彌堂重讌也故曰  
題陳文簡八十壽詩致望於儼笙耳

廟堂碑移植曲阜

聖廟同文門下敬歌以紀

孔廟虞碑蹟久失初非筆勢趨彎圓此石元時定陶出  
所祖本在陝石前諸家著錄弗詳考或以瘦細疑鈎填

多年城武廡墻下日銷月鑠荆棘纏竊嘗手拓爲辨證  
借以遠想貞觀鏤唐初藝苑盛文藻諸儒尚及師說沿  
瀛洲學士校讐日孔疏陸釋相差肩北堂書鈔典籍在  
西堂書目星辰懸山陰猶存璞玉矩歐褚宛合形神全  
何至重摹滑歛側競謂虞法圖機傳有如宋後收詁訓  
漸滋空議薄傳箋方今

聖人崇實學六經日月光中天此時此碑移曲阜如對  
泮藻鸞聲宜班諸乙瑛韓勅側肅肅俎豆森堂筵中丞  
陳公敬將事正值榱桷新修虔昌黎作歌比郃鼎石鼓  
恰與論墨緣按春秋傳注郃鼎正是城武縣也周官禮並嘉祐篆大運  
帖非王著編幌追會稽內史印來聽魯壁鏘管絃

石濤山水卷

閭浮一漚影參透苦瓜禪幻藥方諸滴牟尼象罔傳小  
團蒲結法四大海迴旋面壁層青合秦箏卽響泉

儷笙閣老巽泉閣學同韻之作裝卷題二首

三十科逢三十賢

王中至今三十科矣中間所得士人翰林者三十人

今看台鼎

領羣仙新詩並出臯比席舊韻如虞侑坐篇豈止風騷  
徹原委要須忠孝勵班聯金針玉尺相剴切始是森嚴  
對木天

翡翠蘭苕碧海鯨鈞天九奏鳳鸞笙和聲依永皆言志  
居業脩辭在立誠劉井柯亭聯步處杜詩韓筆寸心盟  
叩須萬頃文瀾濶多少沿洞竚望情

## 宋人馬融後堂絳竹圖

安昌後堂記戴崇淮陽特著彭司空馬季長亦後堂讌  
夾坐絳管鏘房櫳生徒問字鮮入室絳紗帳隔煙霧蒙  
爾時鄭元與盧植想持箋傳來折衷賈逵鄭衆精且博  
三禮三傳孰異同史家但以奢樂紀畫手亦摹絃律工  
自坐高唐陳列女賦就長笛吹籊籊宋時畫苑作題目  
意以道學區絳桐坡老不免戀聲色亦從侈寫弔渚宮  
此特季長一小節詎以貶損傳注功彭宣戴崇各自得  
鄭盧肯以私廢公廣成頌壓西第頌何害經訓兼博通  
畫苑借題聊爾耳勿執粉繪論馬融藝林終當並馬鄭  
附諸肄雅絃歌風

米海岳墨蹟

余廿年前別俞禪師張長史今歲仍得見於越上長史遂出此展之

可愛成佳物也主者寶之常願首跋

雍邱榻對坡書後奇氣軒軒海岳庵長史廿年重對賞  
已知晉法出青藍

吳閻閒釋中峯二墨帖

閒閒詩題華陽洞中峯偈似瀉山禪我因况見趙虞蹟  
書符答頌山扉間一洗龍虎鉛汞氣豈作監拂橫機看  
書家行雲活水勢畫意柳葉蝗描傳夢到匡廬武夷曲  
寄之茗雪餘不灣中峯語錄看雲集一縷篆起跏蒲蠲  
消納諸方文字業請叅松雪與道園

題儷笙所裝拙詩卷

科逢三十記淵源五狀元兼七會元

五狀元者錢湘船石琢堂及己未辛

未丁丑三榜也七會元者錢湘船錢裴山顧名珏馬名有章及己未辛未丁丑三榜也

曹詠曹倉

來熱篆蘇齋蘇室共蘭言白將返黑新歡倍藍出慚青  
舊句溫迴憶江頭台字夢千篇難繪

聖君恩

題花洲畫卷二首

嘉慶丙寅初冬萬輅岡爲曹儷笙尚書作

秋渚商量畫稿遲

乾隆己酉冬予自南昌滿任萬生仿元人畫秋渚卷贈行

樹陰又

近廿年移多憑擷秀深於昔更借論文識所師迴首東

湖南浦夢盟心山谷道園詩荷香水翠涼雲影似我尋

碑晚眺時

予訪南昌金石惟於百花洲得唐乾德五年林仁肇鐘銘

陳園水木小橋東

新城陳氏園在百花洲旁今無知者

一碧西峯倒影中



持節壁題懷太傅

百花洲亭壁有乾隆丁卯錢文端公詩刻

尚書家學源先

公

儷筮尊公文敏尚書乾隆辛卯視學於此

每追臧棹金樽綠倍憶開輶蠟

炬紅今日台垣開畫卷冰兢鏡檻寸心同

復初齋詩集卷七十

大興 翁方綱 正三

墨緣集一

丁丑六月至  
戊寅正月

集取墨緣以果得移廟堂碑於曲阜

廟庭而志喜也

玉亭制府晉協辦大學士寄賀

主恩優渥勵丹心台鼎光輝照帶陰長若薇垣依

北闕豈惟藝苑繼西林

鄂西林昔以大學士管雲貴總督

從茲綠野平

泉句普遍蒼山洱海深更倍勤民宣化切南風薰答

舜弦琴

荏鄰作種瑤州圖屬題

吾聞芝艸無根醴泉無源深山自長青琅玕世間美瑞  
此麟鳳同心臭味結菖蘭登之玉堂貢天闕豈假寸尺  
芟萌看奇葩異種不世出金柯玉蕊衝杓躋或云仙家  
秘芸圃月斧誰茁桂子丹方諸幻藥事本誕欲叩真宰  
嗟其難少霞山卿勒銘處翠莖九節根千盤絳雪元雲  
爲擁護貞心肯受暑與寒報答山靈醞釀意孰喻因篤  
栽培端無栽種法有養法日夜相與尋本原山中舊盟  
儻問訊桂旗蘭幄笙簫間五雲閣吏敢承記中宵默誦  
黃庭篇百千燈光一川月定影處處珠胎圓

岳東伯寫生卷

漳餘秦餘大古春今雨舊雨誰見真山中澹無酬對侶

只有石檻老瓦盆平生筇笠遍江海硯池名岳堆嶙峋  
茶煙篆起作飛雨苔岑一氣蟠香雲此卽瑤華託緘素  
煙中月下還水濱試問次山篋中集何如林宗折角巾

儷笙和子白齋之作因論白詩兼寄玉亭協揆

白蘇齋漸啟鍾譚初白庵應踐白庵誰接朱多與王好

我懷錢七及胡三

藹石雲持

教涵廣大非流派酣放精微乃

指南可泥蘇州刺史句左司方許偈禪叅

末句爲漁洋論白詩發也

元人耕稼圖二首

至正癸巳二月忽哥赤敘

樓攻媿卷虞公頌稼穡艱難勸相時指說東西門壁記

農官十道係分司

忽哥赤敘太師陳幅幅江南井里春玉粒棘抽來庾億

楚茨可是繼猷幽

倪雲林詩艸元人寫二首

塗住依原蹟

次端明韻次奎章兩字曾看注在旁

見雲林題坡書并和虞奎章詩手蹟

如此記借推敲風味在霜來茶鼎藥爐香

改詩笑例杜詩攀老去矜言律細刪正似硯池移淨訖

洗梧桐又洗盆山

葉生所藏岳東伯寫生卷是其先文忠公所藏

文忠手題在焉又其家有今雨齋復求題此

今雨盟來今雨齋臺山淡墨寫遙懷窪尊基墅星虹氣

又到珠江穗石涯

窪尊基墅朱竹垞品葉臺山語

焦山鼎歌爲茆鄰題

梁子篋拓焦山鼎鼇峯孫貽林鹿原鹿原細楷識於後

鼇峯藏弄名尚喧

徐興公藏書國初尚存

前數行書亦不俗恍見

王鐸來梁園

望歲莊農施中題

鼇峯舊推鑒藏富記與幔亭同

倦言

聞江寧周幔亭說焦山鼎文舊拓徐興公所藏最善

今觀此是寺石本乙巳

摹者程崑崙

康熙四年程康莊約程遠重刻

新城二王賦詩曰汪序朱

跋爭考援此拓固非鼎腹本此鼎實惟履蹟翻宣味呂

薛王佖錄鐘鼎盃卣彝尊孔惺銘追召虎拜綰綽用

享垂子孫未知司徒南仲字何時久蝕煙雨昏歐劉昔

釋林華觀漢鐙篆尚徵引繁何況周京審名氏無專世

惠槃籥捫垢道人稱鑄篆手豈肯謬賞鯤鵬翥牛空山

又縮本繪璿石底借充瑱璠六書八體原委測三吳七

閩文獻存區區僞託古法物察察真意驚海門王朱汪  
輩遺集在鹿原試共鼇峯論及今藝林正文字庶與螭  
扁窮荻根西樵詩爲鼠輩作猶勝阮亭貌胚渾多年此  
事未釐剔江水日夜雲濤吞

贈李蘭屏南歸

蘭屏兄弟蘇齋話不羨林家蘭話堂千里趨庭畱繾綣  
六經瀝液共商量茝鄰圖畫推鸞掖薇省詩篇起雁行  
傳語江南摘藻客誰如丹壑繼漁洋

再題焦山鼎銘釋文後三首

竹垞取譬甘泉瓦瓦篆曾無一筆訛矧敢岐陽追石鼓  
歌詩不類竟如何

西樵漁洋詩  
皆擬之石鼓

兔園冊子積塵編古學淪將二百年甫及

昌辰親訓故後生且勿議前賢

王朱諸先輩尚承明朝人積弊之後乍難精密

耳

於今雅頌盈天地藝苑咸知叩本根更要闕疑精審訂

解經慎說顧南原

顧南原作隸辨云吾將以解經也

### 答蘭卿

紉佩依依問鶴田  
芭蘭欵欵締盟緣  
誰教瑤草無根詠  
譜入江梅結實篇  
嘉樹角弓封殖願  
石帆魚子屏提禪  
敢憑吹澀寒竿處  
夢到然燈授記前

來詩以何端簡公然燈記問爲問又

取山谷詩語鐫印

瘞鶴銘粵東重刻黎瑤石本



南園誰續粵風餘殘墨遙尋海島廬尚借篆銘翔鶴侶  
欲追蘭紙換驚書題名米芾摹應補小石張昭剔已疎  
想像華陽真逸字玉煙堂本較量初此本較今拓本多  
華陽真逸紀也六  
字而張力臣所云小石  
下剔出六字則已有之

題蘭卿小印櫝二首

結實培根梅子喻蘇黃卷裏託平生雲龍韓孟追從意

却付金農寫篆盟

以金冬心篆  
雜說印記之

蘭話曾教比兄弟

昨取林同人吉人  
以贈令兄蘭屏

蘭成忝得接師生

子與蘭卿皆十  
五歲中鄉試

囊中監露薇垣硯秘閣論詩記舊盟昔

直廬與校理檢閱諸君聯誼有秘閣唱和集二卷內  
閣票本小硯當以入分書題曉嵐檀櫝曰薇垣監露

題王百穀自書詩州

隆慶  
戊辰

昔聞文家孤藝林接長洲後惟青羊生不數彭陸周觀  
此手書詩二承其匹儔何用解嘲作戊辰南歸舟衆誇  
牡丹唱薇垣殿螭頭劔雖徐君擬缺肯馮驩求孰若放  
江湖脫屣輕王侯七十春驚宴褻展弊風流嘯傲越女  
白憑陵燕臺幽山房玉磬響然否半偈酬豈止杜季良  
借品馬少游艱哉翰墨場如此勞蹇脩卽茲企鮑謝頗  
亦窺虞歐未知衡山傳誰補王弇州

街東新居

幸荷故人分祿米粗成營構艸堂貲捻書問價貧何有  
蹇步移牀病不辭銘就羅浮雙拄杖押來海岳半庵基  
剛憑鳥語新簾捲又借鷦巢卜一枝

再題張長史郎官石記序

十年前借白詩評鑠迹弦聲笑拈取十年後却重借看  
至竟無人作轉語楊監艸書雖有圖裴儼竹院寧無譜  
平直均密於何辨結構分明快應觀蒼茫但取神古逸  
波策如何傳匠矩借問羊薄窺山陰陸薛焉從得虞褚  
徒使王家大小美輕將貞觀虞書伍文必西漢詩盛唐  
七子同時論接武仲蔚眼空僧醉艸弇州香辨尼庵主  
非無高識邁古風且慎印須印津渚震澤手題先誤會  
王文恪援山谷無帳述語月峯瞻企空延佇孫月峯跋弇州諸藏帖而未得見此昔賢  
精鑠烟天壤郎署班行羅石柱中吳紀聞那區別西河  
劒器無今古大匠豈悵斤削痕爨誰明正鵠所采齊

肆夏翔步閒佩玉鏘鳴節宮羽從宜從序昭律度象緯  
文明森會府長史此書在暮年東吳逸氣何脩阻更莫  
傳會山谷論或得附諸懷瓘估宋生多年篋秘之友石  
鏘竟鴻堂補重須弇州香瓣處晉法商量去幾許友石齋將  
於江南購益  
法師碑也

率更書九歌殘石爲葉東卿所得

龍眠嘗作九歌圖率更之書罕著記四十年前斷地得  
豐潤潘侯初拓寄秋盒黃九對榻論歌章存五闕殘四  
末有率更書系銜題首今俄空八字率更細楷世已少  
尚勝姚恭隨舍利峻峙雖仍唐界格清迥猶含晉餘意  
儻追千文東壁鏘等價心經白鹿寺溁陽石今漢陽齋

葉子購之珍篋筒葉子讀書城南坊猶得都門論故事

都門舊訪淤泥碑枉入亭林金石類城西淤泥寺歐陽書石刻非其也

何人傳會享用休牛鼎篆銘喧邑志乾隆丁酉豐潤縣掘土得牛鼎及此

石東皇帝子浩揚靈呦呦君芬暖幽異神光離合惚恍

間矩輿規旋筆鋒備豈惟石墨難代補題後還應汗滋

愧醴泉化度試尋源孰是先河第一義

許道寧山水軸董文敏題

涪翁把卷佇方將摩詰家傳共品量冉冉蒸雲畫禪室

早曾親見墨淋浪

劉芙初母八十壽

護堂慈竹祜培根八表筵開積慶門豈比尋常稱壽母

早看闕闕出名元歡承累葉咳蘭什拜酌重陽釀菊樽  
更借長春暉照永籌添海屋蔭詞源

題畫

放翁千首訪梅詩未說溪橋策杖時意到前村殘雪外  
酒帘斜月挂橫枝

答周生

杜陵詩問玉溪生裴几齋誰六枳盟儻借雪坡論篆隸  
蓬萊閣石認熹平

贈蘭卿

謝馮二子論詩後三十年餘佇至今量就錦機憑玉尺  
熨來繡線卽金針付君到處遊虛刃是我從前叩寂音

萬變大軀緣督秘只爭一點運斤心

題藥洲米書石後寄趙籀樓二首

良常東泄換新銘何減榕陰補舊亭五十年前苔竹夢  
依然拜石眼俱青

墨舫同遊舊蹟徵披榛剔蘚幾人曾只應弔古張君量

並權花源問武陵

藥洲石有慶元乙卯張君量汎舟弔古一段題刻予適得見鼎帖真本揭

寄蘧樓鼎帖每卷有武陵跋題字即張君量所刻

送顧南雅歸吳門

五載滇南陸樾深十年蘇室叩題襟扁書且試廬閒息

屬爲書

息廬扁絃撥誰知指外音屠

琴鳴謝亭向倦言時問訊杜韓

印涉舊盟心江頭煙雨苔岑夢祇合覃溪對蒹林

記樂毅論海字本後

高家海字本宋世稱最珍右軍樂毅帖秘閣外罕闢高  
家暗檻後趙竦手拓親趙後傳之徐徐復貽子孫歐趙  
所未詳順伯錄具存順伯跋徐笈石膚嗟蝕昏終宋之  
末季續撫渺無因北南宋之交越州拓猶新是時秘閣  
賜正並學舍陳學舍爲重鑄石氏儼結鄰嗟此會稽郡  
上追永和春察察八百年歷閱幾貞珉蕭阮臨寫來貞  
觀付館臣未知元祐藏硬黃爾何人備寓筆欵正匠授  
規斲輪外映波迴折中含氣粹溫元祐元符刻百載近  
未湮元祐秘閣帖至元符間刻成  
去越州學舍重刻時尚近石熙明家塾豈未深  
對論歐梅到順伯品騰推獨尊圓神與鈇鋒得爭古法



醇況此石氏摹已非積高紳又閱年三百並勒於吳門

章簡名父子鐵額館停雲海字闕短行莫知所問津私

淑墨池影乞諸青羊君邇來何

此壇瞻徐長

輩始藝瓣香薰

猶勝邢與董妄歎吳江邨下視快雪馮褚銜惹笑嘖俗

書益贗託種種滋塵塵顧量海字泐一羽與百鈞尚賴

停雲石今在嘉禾闢宋後失楷則但務趨圓勻必也正

名乎元精耿渾淪秘閣本第一海字本附羣以尋虞歐

脉晉唐樹骨筋此責將誰諉華實窮本根小字如大字

縱橫氣雄奔咄彼三日婦脂粉塗面脣稽首宋拓前河

源仰星辰智永未題日冀逢真右軍

次韻筠潭與蘭卿論詩二首

妙有神光卓在前  
瀾迴風引苦延緣  
繡絲理密針鋒細  
箭筈機張殼率圓  
禪偈初非離鏡象  
文心所以徹中邊  
直須筆力能扛鼎  
始識長虹貫月船

同門詣出謝馮前  
對雨盟申沈趙緣  
合坐聞琴山響處

幾人喻佛頂光圓  
素心宋子煩絨及

論詩白髮吳郎悵酒邊  
適顧南雅來話別云吳穀人酒量大減於昔續繼連

晨南雅別低回不忍上吳船

### 題霜寒表二首

法度精神豈易言  
武陵絳帖又重翻  
山陰楷卽鍾張隸

滂喜悠悠本一源

不是霜寒凍筆書  
永和千載暮春初  
肯將手授官奴意

浪許吳廷付小胥

餘清齋霜寒帖直是小胥寫耳

蘭卿縮摹雪浪盆銘箋歌

此銘磨去今幾年蘇齋夜夜衝杓躔蘇齋既摹雪浪硯  
李子今仿雪浪箋九霞靈音洞府答蘇公聞之爲粲然  
盡水之變盡物變變眩未易窮言詮百千燈光無盡藏  
四大海本一幘圓有如烏雲紅日帖我昔得自羅浮邊  
持歸笏齋謀畫藁羅生愕眙對老錢一夕漢陽閔歎子  
酒酣大叫狂非顛嘖墨空光掣飛電紺碧鬱作饑蛟涎  
俄焉大星隨爲石片影著我窻屏前眴然君謨小閤夢  
杭湖縷縷春潮牽蒼壁無須鬪團月秦箏何必非響泉  
滴乳涓成廣長舌赫蹏熨出兜羅綿幅又細書書又畫

文字念念塵塵緣此箋又來齋壁挂此銘那必盆口鏤  
龜蒙十萬越剡杵芙蓉丈八玉井船詩境軒中對牀雨  
妙吉祥館一氣聯蒸起茶甌辦香篆墨雲皴合溟濛煙

寄題金秋史禮堂

不其帶艸積春深手寫羣經對楊心漢宋訓箋川源海

異苔得味本同岑

來書以宋儒音訓爲問  
故就禮堂寫經意奉答

寄題秋史吉祥室

虛白光中妙吉祥心齋正復坐難忘篆迴蘇室盆銘字

秋史蘭卿合辦香

適爲蘭卿題所摹妙吉祥館雪  
浪石盆銘箋卽以此箋附寄

題蔣氏瑞萼堂三首

田紫荆庭謝艸池寶珠鶴頂瑞連枝角弓燕譽先人澤

葉厚根深手種時

弟勸兄酬杜句誇巡簷那復索梅花年年乳鷺雙巢處  
此徑天教屬蔣家

畫圖傳得好春光共命迎陵共被姜一朶嫣紅芳百世  
長畱詩話在三湘

蘭卿墓雪浪石盆銘爲箋石士摹石鉞爲箋賦  
此記之

畫禪拈起破蒲團蘇室軒然十笏寬雪浪漱來新茗熟  
水邨圖肯舊盟寒萬番恣掃溪毛潤二子能澆舌本乾  
不比衍波箋太滑石梁正合石盆安

廟堂碑移立曲阜再賦此補城武邑志

昌黎韓子歌石鼓郃鼎稽從宋移魯借非薦廟倍光價

故實誰知自城武

見春秋傳桓二年杜注

城武虞碑廟堂刻早應

徙置陬鄉宅虞書真本世莫知遲待多年移未得咫尺

相望竟與曹誰記珍珉出定陶西應璫椎陝石響岱華

對峙星辰高我去曹南廿四載耿耿摩碑風味在

昌辰聚合果有期曲注文瀾迴大海孫何舊本漫題籤

山左關中笑共函

孫退谷何義門皆云山左本而不知在城武

同文門下心

盟處只有覃溪與笠帆城武漢碑畫雄壯岐鼓森同白

凹樣

城武學有漢竹邑侯相張壽碑中被穿穴均損

樗寮黃華妙墨兼

又有張樗寮王

碑黃華

正配仲吾竹邑相合讓此碑移曲阜峻極斯文齊

岫嶺更無第二學舍容天下宮牆仰山斗諸郡諸儒傳

掌故簷厦崇深鬼神護膠庠競頌陳中丞著錄休矜王  
節度虞勝伯文久鑒藏今日十倍熊熊光城武萬古碑  
萬古始識虞書升廟堂

說按是碑今仍在城武以紳士阻止陳笠帆中丞移立未果

石士以魯純之令嗣所裝子手艸屬題因檢子  
曲阜道中感懷純之詩以示石士時王實齋南  
來予署孔撝約之令嗣方應童子試今廿有六  
年矣賦此兼呈石士菽原

憶讀羲父作釋壺

純之作釋壺

漆書豈易綴操觚

去年石士以習之注

尚書見示

尚慚貢玉歌雙魯深望聯珠比二吳

今年鑑庵穀人令嗣皆中

鼎戴記頻年聞著錄

謂實齋

容臺計日待分符

謂撝約令嗣荃溪卽

將出守

鄧陳晨夕商經義岱麓光陰續得無

姚簡叔仿李營邱雪景卷

我因李畫想右丞捕魚圖未全精能昔聞山陰泛雪卷  
樹石法備煙客稱神來脫卻起伏際不在勾勒皴層層  
山陰客有姚簡叔墨暈無迹豪含稜平橋沙岸曠脩渚  
孤邨石礧接遠塍林梢斜受白烘視屋宇半掩寒凌兢  
昏陰吞吐飛鳥外有人瓊笠山窗凭帆光近遠錯雲木  
爛銀一熨晴煙蒸是叅筆虛與筆實略無苔粉畱繡繒  
誰言臨摹不取似淡素正與濃青承展之四坐膚欲粟  
迴起萬籟琴弦磨米老休矜無李論蘇齋叩爾師然燈  
披蓑返棹神理在輞口小築興可乘西峯拓窓縮寸碧  
篆煙阿遍陶泓水



金石錄十卷印歌寄贈阮芸臺制府

十卷欲抵三十卷三十卷卽卷二千馮硯祥家此舊印

趙金石錄之殘編也是園叟爲著錄藝林豔羨逾百年

此書宋槧誰得見萊竹堂寫名空傳我見朱

竹何瞻手

所校謝刻盧刻訛猶沿今晨阮公札遙寄秘笈新得邗

江邊阮公積古邁歐趙蘇齋快與論墨緣怡逢葉子訪

篆記宛如舊石馮家鑄重章疊和紙爭價長箋短幅紅

殷鮮錦暉何減浚儀刻

宋時趙不謏常刻于浚儀

囊櫝倍壓湖州船

葉子篆樣又摹副其一畀我蘇齋筵我藏趙錄寫本耳

幸有蘇集珍丹鉛紹興倉司施顧注傅楷更在趙錄前

奇哉漫堂寶殘泐惜也邵補功微愆欽州馮家有全帙

廿載借諾心拳拳乞公借從魏城刻什倍開府縣津賢  
誓言此印爲之質萬古虹月衝杓躔明年仍還馮家積  
一月光又印萬川

題葉東卿仿作劉歆銅斛尺卽書於秦敦夫元  
延尺拓本冊

君合新莽貨幣四以隹劉歆銅斛尺首足枝間圓好同  
獲信中憑柔容積因借建初推建武周尺雖遙如可識  
建初慮麗券在茲十五等校無差忒昨來揚州袁君寄  
元延尺自金陵得篆雲長沙鑄廿枚陽識庚庚畫微蝕  
校諸建武宜不遠二分微弱相參核東京時隔未百年  
律志貨志爭差擇君今取作劉歆證我以借訂元延釋

慮虬長沙豈歧互杜蘅荀勗誰沿革歐錄已無西漢字  
建武昨銘泉範刻沈彤近揆朱載堉良史圖哀王順伯  
元延尺櫝卽寄來二分之差且毋惑六十四泉合丈尋  
參起古花量活碧

讀蘇齋遺集感賦邀李蘭卿舍人同作

曹振鏞

蘇齋仙去閱五年蘇齋遺集誰雕鏤  
李生來自閩海邊昔曾問字蘇齋前  
片詞隻句忍棄捐搜羅爬剔觀其全  
蘇齋弱冠登木天乘輅出使占星躔  
粵東楚北章江船鍾山之麓泰岱巔  
驛路舟車相迴旋掄才桑梓承恩偏  
朗如金鏡當空懸晚歲詔許閒歸田

帝諱頤志於林泉

嘉慶丁卯  
吉有頤志

林泉之語  
京兆禮闈盛事

聯科名周甲推彭錢兩番再識

天家筵八旬老叟孰比肩一官一集隨境遷耄而好學

窮鑽研復初齋藁手自編鳳池鈔寫雞林傳古書萬卷  
屋數椽有子不祿嗟屯遭孤孫孱弱真可憐危哉一線  
宗祀延李生妙筆今青蓮歎逝懷舊每悄然收來殘卷  
蠹欲穿我陳几案墨采鮮追思受知贄執虔門牆進謁  
猛著鞭四十載奉師訓專口講指畫情纏綿唱酬無月  
無詩篇得意詎敢忘蹄筌敬瞻遺艸升雲煙不忍卒讀  
涕泗漣鼓琴伯牙久絕絃後死責重尚勉旃焚香拜像  
吉日蠲校正訛舛心拳拳授之禪人工速竣金石文字  
同布宣蘇齋有金石文字刻本告成他日薦豆籩神游六合遍八  
埏鸞驂鶴駕仙乎仙歸來詩境齊名夙夢圓師生重結他

生緣

讀復初齋詩集續刻敬題簡末即次曹儷笙相國

李蘭卿閣讀原韻

蔣攸鉅

師昔已過花甲年復初齋藁初雕鐫弟子敢議經笥邊  
芸臺所刻居吾前鴻章築備細不捐六十六卷裒其全  
斯文照世神在天歲月屢易販訾躔李君拾得珍珠船  
續纂四卷齊末巔手為校錄心周旋一字不使訛旁偏  
八音始覺完編懸開卷張觸懷桑田吾師晚歲娛林泉  
蘇齋問字人蟬聯好古徵信追彭錢石墨萬軸堆几筵  
師金石考正文字甚多得意輒聳雙吟肩豈特鎔鑄固與遷鄭箋  
馬疏尤精研羣經解義違成編師有羣經附記七雄文  
直接昌黎傳胸羅星宿筆似椽下視湜籍何屯遭湖海

詩人空愛憐

王述卷先生湖海詩傳載

二者剗剗猶遷

延我官翰林

愧炬蓮校離丙夜青藜然

師每借書眼欲

穿墨痕寸紙雲霞鮮至今什襲心虔虔

師銘在清秘堂時

手箋已裝

嶺南重鎮慙秉鞭壽我五十郵筒專金堅石

介心纏絲勉以實政詩兩篇是陶是杜離言筌十載過

眼如雲煙卷中見詩增涕漣蘭亭考異窮勾弦家事述

德供檀旃辦香所奉敢弗蠲

師作蘭亭考亦銘所刻海

之一勺山之拳竭來詩刻全功

又校訂雨氏家事紀畧

拜詩境陳豆邊生天成佛周垓埏應鑒阮蔣懷謫仙相

公作詩珠唾圓翰墨共結千秋緣

讀蘇齋遺稿續刻感賦次儷笙相國夫子韻倚蘭

卿侍讀同作

葉紹本

坡翁仙去七百年冥冥造化誰雕錫燕山學士北海邊  
妙筆直探元豐前精華掇取糟粕捐包羅旁魄縑緗金  
鉤元摘要象外天寶氣脫手光星躔珊瑚鐵網珍珠船  
登岱乃欲窮其巔清思雋杳相迴旋吐棄一切除幽偏  
心正筆正師誠懸平阿無隘天子田銀河陡萬落斛泉  
重規疊矩珠璧聯古史妙義探眸籤鈞天樂奏張廣筵  
淫哇下里疇齊肩頻邀  
睿賞峻秩遷鋒校車校士誇精研杜門却埽手自編斯人  
果以名山傳詞人壇坫空結椽上車不落徒迴遭蠅聲



蟻竅吁可憐正始一髮千鈞延玲瓏舌本誰吐蓮公獨  
雅奏風冷然由基挽轂七札穿勁裝古服光容鮮我昔  
經師拜服虔膺門翹首願執鞭蒙公拂拭青眼專示之  
大道心絲絲郵筒往復勤詩篇羚羊挂角空蹠筌人世  
飄忽風中煙忽聞稭萁雙淚連廣陵散絕叔夜絃雄師  
無復揚旌旃山顙如痛憂難蠲皋比悵望彌拳拳漕司  
鏤版功未竣相公為補鐘鐻宣如餐折俎羅加籩從茲  
光景照八埏欲換凡骨師真仙竹風梧雨秋月圓憶公  
恍若前生緣

次韻 新安師讀蘇齋遺集感賦

李彥章

誦延晦集逾十年

新安師昔蒙  
閣延晦因以名集

賜壽扁曰綸  
蘇齋先生為之

序望詩境字心銘鐫

蘇齋手鐫  
二字於石壁

憶從小草委道

邊坡公引接歐公前梅根桃實未棄捐及時培篤文成

全蘇齋老去神在天角根環縷星辰躔當時四壁書畫

船今日咫尺如層巖燈窗梧竹起繞旋

多少燈窗梧竹  
響蘇齋先生

與彥章論  
詩句也

授記恐負恩知偏平生法杜衡誠懸悔不瑤

草求芝田昔公老學居平泉卿偕文柄尊朝聯信而好

古婉老錢夢成台字今台筵傳衣任有三公肩吾師感

舊歲月遷求公遺集加搜研卅年風味共此編即是干

古斯文傳朝回畫日筆如椽牙琴餘響思迴遘猶懷賤  
子昔見憐門生門下公曾延藥洲嘉樹花洲蓮何啻角  
弓封殖然長歌鄭重百琲穿沆瀣一氣秋澄鮮久要風  
義勤且虔拳拳古心中自鞭發函授梓精誠專言雲已  
護肥羅絲始知琳瑯十萬篇幾人得髓排空筌後山一  
瓣通香煙懷知至此增涕漣興言正直朱絲絃萬丈光  
全洵在旃力希沾溉根塵蠲阿難眼見光明拳校讐有  
願期速竣稍分著錄隨崇宣及公生日陳觴蓮淵源文  
字通陶埏畫中師友詩中仙印成一月千燈圓人生何  
者非因緣